

Upravljanje imovinom kroz savjetodavne usluge javnim vodovodnim / komunalnim preduzećima u Jugoistočnoj Europi

Povećajte svoje tehničko znanje i razvijte stručne vještine kroz obuku, podršku i korištenje softvera, te primjenu najboljih iskustava za unaprjeđenje upravljanja imovinom Vašeg preduzeća!

PROGRAM JAČANJA KAPACITETA

Program je namijenjen javnim vodovodnim / komunalnim preduzećima (JVP/JKP) koja žele povećati svoje kapacitete za upravljanje imovinom, efektivno upravljanje podacima o imovini sa ciljem kvalitetnijeg sveobuhvatnog planiranja i unaprjeđenja poslovanja JVP/JKP. Kroz Program upravljanja imovinom i savjetodavne usluge JVP/JKP biće osigurana tehnička podrška, računalni softver, te sveobuhvatni pristup jačanja kapaciteta zainteresiranih JVP/JKP.

Implementaciju Programa je omogućilo Njemačko društvo za međunarodnu suradnju (GIZ) u suradnji sa preduzećem Hydro-Comp sa Cipra. Program se implementira u 4 zemlje Jugoistočne Europe: Bosni i Hercegovini, Crnoj Gori, Makedoniji i Srbiji, od strane Udruženje za tehnologiju voda i sanitarno inženjerstvo iz Srbije i Udruženje za oblasti voda i zaštite okoliša, Aquasan mreža u BiH.

U Bosni i Hercegovini, Program će biti implementiran od strane Udruženja za oblasti voda i zaštite okoliša, Aquasan mreža u BiH, koje je akreditirani tematski centar za provedbu Programa u Bosni i Hercegovini.


VRIJEDNOST PROGRAMA JAČANJA KAPACITETA


Učešćem u implementaciji Programa JVP/JKP će ostvariti značajne koristi:

- **Izgradnju kapaciteta uposlenika JVP/JKP** kroz obuke i uspostavu procesa upravljanja imovinom u JVP/JKP,
- **Uspostavljanje registra imovine** sa prostornim podacima u JVP/JKP,
- **U finansijskom poslovanju** kroz: povećanje prihoda, smanjenje operativnih troškova, manje godišnje troškove za popravke i održavanje infrastrukture, te značajno smanjenje budućih kapitalnih troškova,
- **Unaprijeđen kvalitet usluga** kroz: bolji kvalitet isporuke vode (u pogledu pritiska i kvaliteta vode), ekonomičniji rad pumpi, brže reagiranje u slučaju kvarova na mreži i učinkovitije upravljanje u hitnim i kriznim situacijama,
- **Bolje poslovno planiranje** kroz: izradu tačnijih bilansa voda, definiranje DMA zona, izradu programa smanjenja ne-prihodovane vode (gubitaka), plana sanacije i preventivnog održavanja, tačnijih proračuna operativnih i kapitalnih troškova i dr.,
- **Bolje investicijsko planiranje** u skladu sa dugoročnim potrebama razvoja JVP/JKP,
- **Pouzdanost i kvalitetno izvještavanje** prema osnivaču (jedinicama lokalne samouprave - JLS).

NAČIN IMPLEMENTACIJE

Program omogućava korištenje prilagođenog programskog paketa EDAMS "Integrated Asset Management" (IAM). Tematski centar će osigurati jačanje kapaciteta JVP/JKP za provođenje metodologije upravljanja imovinom kroz teoretske obuke na radionicama i praktične obuke na poslu, podršku i korištenje softvera i primjenu najboljih iskustava i praksi. U slučaju da JVP/JKP nemaju dovoljno ljudskih resursa da u potpunosti provedu uvođenje Programa, tematski centar će pružiti dodatnu podršku. Cjelokupan Program će se implementirati u periodu od maja 2017. godine do kraja novembra 2019. godine, a sastojat će se od tri faze. JVP/JKP učesnici će prelaziti iz jedne u drugu fazu projekta na godišnjem nivou.





- **Faza 1 (prva godina):** Podrška JVP/JKP na formiranju i održavanju GIS baze podataka, **efektivnog upravljanja podacima iz registra imovine** kao i razumijevanja koncepta i komponenti integriranog upravljanja imovinom.
- **Faza 2 (druga godina):** Unaprjeđenje **upravljanja u sektoru održavanja imovine / stalnih sredstava**, kroz uvođenje registracije kvarova, a za potrebe kreiranja plana rehabilitacije / održavanja imovine / stalnih sredstava.
- **Faza 3 (treća godina):** Obuhvata **izradu plana rehabilitacije / održavanja imovine / stalnih sredstava, infrastrukturno planiranje i poslovno planiranje.**

JVP/JKP koja učestvuju u ovom Programu će dobiti **cjelokupan Program jačanja kapaciteta** kroz učešće u radionicama, obukama i posjetima tematskom centru, te obuku za **primjenu sistema integriranog upravljanja imovinom**. Tokom implementacije Programa biće osigurana svakodnevna "virtualna" podrška JVP/JKP od strane tematskog centra. Pored softvera i obuka, učesnicima će biti na raspolaganju cijeli niz dodatnih alata koje će moći koristiti u svakodnevnom radu (procedure, uputstva, simboli i dr.).

TRENERI

Treneri tematskog centra Aquasan mreže u BiH su certificirani stručnjaci za provođenje obuka u oblasti upravljanja imovinom.

KO MOŽE UČESTVOVATI?

Sva JVP/JKP iz BiH se pozivaju da prijave svoje učešće putem obrasca za prijavu koji uključuje i odgovarajuću izjavu uprave JKP/JVP. U slučaju prijave većeg broja JVP/JKP, isti će se rangirati za učešće na osnovu njihovog tehničkog potencijala i spremnosti da učestvuju u Programu.

TROŠKOVI UČEŠĆA

Od JVP/JKP iz BiH se očekuje da tematskom centru plate kotizaciju za učešće u Programu u iznosu od 100 KM/mjesečno (1.200 KM/godišnje). Uz troškove kotizacije JVP/JKP treba platiti korištenje softvera u mjesečnom iznosu od 200 EUR (2.400 EUR/godišnje) preduzeću Hydro-Comp. Ukupni troškovi JVP/JKP za učešće u ovom Programu jačanja kapaciteta iznose okvirno 6.000,00 KM za jedan godišnji ciklus obuke. Ovi troškovi uključuju učešće u svim aktivnostima jačanja kapaciteta za upravljanje imovinom, teoretske i praktične obuke, korištenje softvera EDAMS IAM, radne materijale i podršku certificiranih stručnjaka za upravljanje imovinom. **Svi troškovi koji se odnose na prijevoz i smještaj učesnika za dolazak na radionice i obuke će biti pokriveni od strane projekta.**

KORISTI ZA JVP/JKP, NJIHOVE ZAPOSLENIKE I OSNIVAČE (JEDINICE LOKALNE SAMOUPRAVE)

Program jačanja kapaciteta za upravljanje imovinom je namijenjen JVP/JKP koja žele da primjenom koncepta **integralnog upravljanja imovinom i jačanjem ljudskih kapaciteta** unaprijede poslovanje, osiguraju pružanje redovnih i kvalitetnih usluga, te da učine komunalne vodne usluge održivim za duži vremenski period. Pored toga, očekuje se da će kroz ovaj Program, uprava JVP/JKP prepoznati priliku da **poveća znanje i razvije vještine** svojih zaposlenika kako bi stvorili neophodne preduslove za **efikasno upravljanje troškovima i kontinuiranu modernizaciju poslovanja JVP/JKP**. Jedinice lokalne samouprave će ostvariti izravne koristi (kao vlasnici imovine / stalnih sredstava), jer će na temelju postignuća Programa biti moguće izvršiti pravilan izračun **amortizacije stalnih sredstava**, planirati **održavanje stalnih sredstava**, te provesti **planiranje realnih troškova kao osnove za izračun cijene usluge**. Na taj način, osigurat će se isporuka pouzdanijih i kvalitetnijih komunalnih vodnih usluga svim korisnicima uz poslovanje JVP/JKP na ekonomski održivim osnovama.

DODATNE INFORMACIJE I PRIJAVA

JVP/JKP koja su zainteresirana za ovaj Program jačanja kapaciteta trebaju se prijaviti do **8. maja 2017. godine**, putem obrasca za prijavu koji je priložen uz ovaj opis Programa jačanja kapaciteta. Isti se može preuzeti i sa internetske stranice Aquasan mreže u BiH (www.aquasanbih.ba).

Za dodatne informacije, molimo vas da kontaktirate osoblje Aquasan mreže u BiH putem e-mail adrese info@aquasanbih.ba ili telefon **+387 37 307 993, 224 038**.